



Inatsisartunut ilaasortamut
Doris J. Jensen
Siumut

§37 naapertorlugu apeqqummut nr. 097-2021-mut akissut

Asasara Doris J. Jensen

Apeqcutinnut qujanaq.
Apeqcutitit ataani ilanngullugit, akissuteqaatit ikkunneqarput.

1. Namminersorlutik Oqartussat Kommuneqarfik Sermersuullu inissiat attartortittakkat pillugit aaqqiagiingissuteqarnerannut suliaq sumut killippa?

Akissut: 8. oktober 2020-imi Naalakkersuisut aalajangerput suliaq Nakkutilliisoqarfimmut saqqummiunneqassasoq. Nakkutilliisoqarfik 19. november 2020 ataatsimiippoq. Ataatsimiinnermi Nakkutilliisoqarfik suliaq sukumiinerusumik misissorneqarnissaanik aalajangiivoq. Maannalu sukumiinerusumik misissuineq suli ingerlanneqarpoq.

2. Misissuineq suli ingerlasimappat Naalakkersuisuniit unitsinneqarniarpa imaluunniit ingerlatiinnarneqarniarpa?

Akissut: Akissut siuliani taaneqartutuut suliaq maanna Nakkutilliisoqarfimmiippoq. Kommunit aqunneqarnerat pillugu inatsit malillugu Nakkutilliisoqarfik Naalakkersuisunut attuumassuteqanngilaq. Taamaattumik Naalakkersuisut Nakkutilliisoqarfiup suliaq naammassinissaa utaqqissavaat.

3. Naalakkersuisut isumaqarpat Namminersorlutik Oqartussat Kommuneqarfik Sermersuup inissianik attartortitsineranut suliamut akulerunnissaminnut inatsisitigut tunngavissaqartut?

Akissut: Apeqcutit 1 aamma 2-mut akissutit takukkit.

4. Naalakkersuisoq sorleq suliaq taannarpiaq pillugu akisussaasutut ingerlatsisorineqarpa?

Akissut: "Attuumassuteqarpallaarsinnaanermut tunngatillugu Aningaasaqarnermut Nunamullu Namminermut Naalakkersuisumut ilitsersuut" 14. maj 2021 ullulernerqarsimasoq malillugu, Peqqissutsimut Naalakkersuisoq suliaq suliaassarfiata ataaniippoq.

Inussiarnersumik inuulluaqqusillunga
Med venlig hilsen

Kirsten Fencker

29-07-2021
Sagsnr. 2021-13926
Akt nr. 17472099

Postboks 1160
Tlf: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl